

**SETSWANA**

**3158/02**

Paper 2 Literature

**October/November 2018**

**1 hour 30 minutes**

No Additional Materials are required.

**READ THESE INSTRUCTIONS FIRST**

An answer booklet is provided inside this question paper. You should follow the instructions on the front cover of the answer booklet. If you need additional answer paper, ask the invigilator for a continuation booklet.

Answer **four** questions:

In Section A, answer Question **1** or Question **2**.

In Section B, answer Question **3** or Question **4**.

In Section C, answer **two** questions: Question **5** or Question **6**, **and** you must answer Question **7**.

The number of marks is given in brackets [ ] at the end of each question or part question.

**BUISA DITAELO TSE PELE**

O neetswe bukana ya go arabela ka fa gare ga pampiri e ya tlathlhubo. Latela ditaelo tse di mo sebipong kwa tshimologong ya bukana ya go arabela. Ditaello di neetswe gape le ka Setswana fa tlase. Fa o batla pampiri e nngwe gape ya go arabela, kopa molebeledi go go neela bukana ya go tsweletsa.

Araba dipotso di le **nne**:

Mo go Karolo ya A, araba Potso ya **1 kgotsa** Potso ya **2**.

Mo go Karolo ya B, araba Potso ya **3 kgotsa** Potso ya **4**.

Mo go Karolo ya C, araba dipotso di le **pedi**: Potso ya **5 kgotsa** Potso ya **6**, **mme** o tshwanetse go araba Potso ya **7**.

Palo ya maduo e supywa mo masakananeng [ ] kwa bokhutlong jwa potso nngwe le nngwe kgotsa karolo ya potso.

**DITAELO TSA BUKANA YA GO ARABELA**

Tlatsa mabokosana a a leng fa pele mo sebipong sa bukana ya go arabela o dirisa ditlhakakgolo. Kwala ka pene e e botala jwa loapi jo bo tseneletseng kgotsa ka pene e ntsho. O **SE KE WA KWALELA FA GODIMO GA DIBARAKHOUTU**. Kwalela dikarabo tsa gago ka mo bukaneng ya go arabela. Dirisa matlhakore otlhe a pampiri. Tlogela mela e mebedi e e sa kwalwang sepe mo magareng ga dikarabo tsa gago tsa potso nngwe le nngwe.

Kwala nomoro ya potso e o e arabang mo morathong wa ntlha/kholomong ya ntlha.

Question	Part
1	ai
1	aii

Fa e le gore potso e o e arabang e na le dikarolo, sekao 1a, kwala karolo ya potso ka mo morathong wa bobedi/kholomong ya bobedi.

Fa e le gore o dirisitse dibukana tsa go tsweletsa, tsweetswee di tsenye ka mo teng ga bukana ya go arabela.

This document consists of **7** printed pages, **1** blank page and **1** Insert.

## Section A

**KAROLO A: KHUTSHWE/PADI**

Ela tlhoko: Kwala boleele jwa tsebe le seripa mo potsong nngwe le nngwe.

**Araba Potso 1 kgotsa Potso 2.****1 Fa a lelela legodu – P.T.M. Marope**

Makgetlo a nna a oketsega a ka one Modisa e ne e tle e re a ya go mo tlhola, a fitlhela a seyo. Melaetsa ya nna ya tlhatlologana ka malatsi. A ye go bona ditshwantsho kwa holong ya sekolo (sengwe sa dilo tse Modisa a neng a itse a di nyonya bobo. A tle a re fa a ntse a bolela. A re o tenwa ke motsoko o o gogwang moo. Mosi wa one o tle o fitlhele o intshitse leru fa godimo ga ditlhogo tsa bone). Fa gongwe e nne motho yo o ileng go bala lo lo sa letlelweng go tswa mo motlobong lokwalo. (Le ntswa a ne a atisitse go bala tsa mofuta oo motshegare, gore e tle e re Modisa a tla maitseboa a kgone go balela mo phaposing a na nae. Kgabagare Modisa a fitlhele fela go tulwe “ke sa ntse ke dule.” Julia e re a botswa dipotso, a kagole kgang ka “ga ke itse golo a go ileng.”

- (a) Motho yo go buiwang ka ena ke mang? [1]
- (b) Motho yo o mo go, o lebega (a) na le mabaka a le mantsi a a a neelang Modisa? Neela a le mabedi fela. [2]
- (c) Sekaseka mabaka a a dirileng gore motho yo o mo go (a) bue maaka. [6]
- (d) O ne a emisa leng go bua maaka? Neela mabaka ao. [4]
- (e) Tlhalosa ditlamorago tsa tshwetso e a neng a e tsaya morago ga go emisa go bua maaka. [6]
- (f) Nko ga e dupe! A go ne ga nna jalo ka ga Neo? Tlhalosa ka botlalo? [6]

**[Maduo otlhe: 25]**

**Kgotsa****2** *Diselamma* – T.K. Mouwane

Bala temana e e fa tlase, o bo o araba dipotso tse di e latelang.

Kana Motswana o rile sekhukhuni se bonwa ke sebatladi. E ne e le bogologolo Mma-Legakwa, ditsala tsa gagwe di mo lomile tsebe, gore monna o mo roka leitlho la phokoje. Oai! Kana ruri motho wa mosadi o ka se dira e le eng? A tswela a feela mo patlelong le mo lwapeng. Tiro e ne e mo imela thata ka gobane o ne a le mo mmeleng.

“O se ke wa diega rra! Ke batla o tle o nkise kwa Metlojane ke ye go batlela dikoko tsa me dijo kwa ga Ramafura.”

“Ee! Motho wa me.”

A bua a tiba lobati lwa mmotokara. Pele ga a dumedisa a tadinya lobone lwa pelo ya gagwe ka leitlho mme a fatlwa ke pelaelo e e neng e iponatsa mo mosading. (Ditsebe 1–2)

- (a) Go tewa eng fa go twe sekhukhuni se bonwa ke sebatladi? [2]
- (b) Ditsala tsa ga Mma-Legakwa di ne di mo lomile tsebe ka eng? [3]
- (c) Morolong e ne e le motho yo o ntseng jang? [8]
- (d) A mme Morolong o ne a boa ka bonako kwa a neng a ile teng jaaka a solofeditse mogatso? Tshegetsa karabo ya gago ka dintlha tse di tswang mo pading e. [2]
- (e) “Ga twe khutsana e e sa sweng e letile monono” A ke nnete ka ga Matlhomola? Neela mabaka go tswa mo ditiragalong tsa padi e. [5]
- (f) Batho ba ba sotlileng Matlhomola ba ne ba feletsa kae? Tlhalosa ka botlalo o ikaegile ka ditiragalo tsa padi e. [5]

**[Maduo otlhe: 25]**

**Section B****KAROLO B: MOTSHAMEKO/TERAMA**

Ela tlhoko: Kwala boleele jwa tsebe le seripa mo potsong nngwe le nngwe.

**Araba Potso 3 kgotsa Potso 4.****3** *Pelo e ja serati* – J.M. Ntsime

Bangwe ba re go batlelwa mosadi go siame fa bangwe ba re ga go a siama. O ikaegile ka setlhogo le diteng tsa terama e, supa bonnete jwa seane se kgotsa go siama ga go batlelwa molekane.

[25]

**Kgotsa****4** *Mmoko wa talana* – T.K. Mouwane

Supa jaaka letlhoo la ga Kgosi Mmopelo mo go Bantšhe le neng la mo tlhokisa ponelopele mme a lebala seane se se reng “Kgosi ke kgosi ka morafe wa yone”.

[25]

**[Maduo otlhe: 25]**

## Section C

**KAROLO C: POKO**

Ela tlhoko: Kwala boleele jwa tsebe le seripa mo potsong nngwe le nngwe.

**Araba Potso 5 kgotsa Potso 6 le Potso 7.****5** *Borobe jwa puo* – M.R.T. Makgeng

Bala leboko le le latelang morago o arabe dipotso tse di tlhagelelang kwa bokhutlong jwa lona.

**Tlhaselo ya Seetebosigo a le 20, 1988**

A ga e ya re ka malatlhantshwana mokgosi wa utlwala  
 Mokgosi wa utlwala moseja ole wa toropo-kgolo, maburu a tlhasetse.  
 Maburu a tshetse mošawa wa marumo wa khutla seraro;  
 Dilo di jele tlwae tsa dira temalo  
 Dilo di mariri e se diphiri ga di na'pelo tsa setho,  
 'Sigo jwa Seetebosigo masome-mabedi re bone dikgolo  
 Re bone metlholo, tsa 'sigo joo di ferosa sebete.  
 Ga ba re fitlhela re le seteateeng, badisa ba ne ba le teng  
 Badisa-melelwane ba ne ba le teng ba ikgapetse sebedi fela;  
 Bo-phirigagola ba pelo di majwe ba re tlhorontshitse.  
 Gaborone ga se bonno boetelo 'tlhaselo koo di tsaletse,  
 Toropo-kgolo e bonwa megaolo fela, motho ga a robale  
 Motho ga a robale e seng jalo o robalela ruri.  
 Sekukuni se bonwa ke sebatladi e seng ope gape  
 Go tsogile lebududu, ga tsoga lorole bobedi bo alolane.  
 Seetebosigo 20 – 1988, maburu one a etile;  
 Seetebosigo o tla bona masa a kokometse  
 Ditlhaselo tsa kgwedi eo di botlhoko semotšatša di sa jewel!  
 Ditiragalo tsa yone ga di tadinngwe fela  
 Ga di tadinngwe fela; di ngoka maikutlo a Batswana.  
 Kitlano ke maatla tlhaselo di ka fetoga dinyana. (Tsebe 11)

- (a) Lefoko le 'maburu' le raya bomang? [1]
- (b) Fa go twe motho o 'jele tlwae a tlwaela' go tewa eng maleba le ditiragalo tsa leboko le? [2]
- (c) Tlhalosa maikutlo a mmoki malebana le tlhaselo ya Seetebosigo a le 20,1988. [6]
- (d) Neela dikao di le pedi tsa neeletsano/ngamelolo tse di tlhagelelang mo lebokong le mme o neele tiro ya tsona. [4]
- (e) Goreng mmoki a tshwantshanya maburu le diphiri? [2]

[Maduo otlhe: 15]

**Kgotsa****6 Motlhaolosa – M. Moreri**

Bala leboko le le tlhagelelang fa tlase mme o tlhalose ka mafoko a gago botlhoko le mathata a mmoki a reng a tlholwa ke go tlhoka motsadi le gore a ka a fedisa jang.

**Tlhoka motsadi**

Ke tlhokile motsadi ka tswa letlakala  
 Mmonadilo ka tlhoka mme ka tlhoka molai  
 Rre a relela ka ronwa le ke tsone direto  
 Wa mpotsa ke binang, ke ka re ke bina pina  
 Wa mpotsa leina ke re “jaaka o rata”

Lefatsheng ke tlhokile ka tswa sekgakga  
 Sekgakga ka tlhoka kgalemo ka nna dikgoka  
 Kgatlhego tsa me ga se kgatlhego tsa setho  
 Tsa me dikeletso ga se tsa mona le molao  
 Segwaba ke itaile fela ka melao ya bophage

Nko’o ke na le la me lentswe gareng ga batho  
 Nko’o ke ntsha tshutiso ya me melao e se mang  
 Ke re motsadi o latlhang ngwana a gamolwe phogwana  
 A gamolwe phogwana a dise poo di senang mebala  
 Puso e intlhokomolosang, e kgelwe, e kgwiwe mathe ‘tlhopong

Diphologolo di sego batho, di diretswe melao-tshireletso  
 Basadi le bone ba eme, tsa bone dilo di tla ema  
 Bana, bagolo le masea ba tsholetswe megopo sephetsa  
 Dilo di saletse rona “boNtšhadi” le “boBashi” ba mogolo  
 Bophage seka-motho melaong ga re atlalediwe sankgolo!

Mpegang sefofane lo nkise ntlong-kgolo Nnyu-Yoko  
 Nnyu-Yoko ke ise diphera dithapelo ba mphekodise  
 Di phekolwe, ke botse ka tshwanelo tsa me tsa matsalo  
 Tekatekano letsalong ke e anamise go tlangwe “emang batsadi”  
 Leina “Baši” le “Ntšhadi” a ko a kgwiwe segotlhola

Mpegang sefofane lo ko lo nkise Nyuu-Yoko  
 Nyuu-Yoko ke botse, “a mme o dira sentle go ntatla”  
 Nyuu-Yoko ke re, “sefane ke ipitse sefe, phupu ke fitlhwe kae?”  
 Tse dingwe Modimo o tlaa di araba serena selegodimo.

[15]

**[Maduo otlhe: 15]**

7 *A re ithuteng poko* – M.M. Kgaboesele

Bala leboko le le latelang mme morago o arabe dipotso tse tharo tse di le latelang.

**Fa le tihaba**

Le tihaba le phetogo;  
 Le ntlhomola pelo le nkama maikutlo,  
 Tihabo ya lona matlhoko a tlhokotsang pelo,  
 Le nthsa kgara e khibidu,  
 Matantabelo a botshelo a wele ka monokela,  
 Loso, kgolo le tsala tsotlhe tsa tlhago,  
 Tihabo ya lone maferetsoko-  
 Bangwe ba a lela;  
 Bangwe ba a tshega,  
 Fa le tihaba ke, "Mpolokele lesika la phiri;"  
 E tla re fa le tihaba ka go fa  
 Tsotlhe, ka fa le tihaba,  
 Le ntlhomola pelo le nkama maikutlo,  
 Tihabo ya lone botshelo. (Tsebe 16)

- (a) Ke mofuta ofe wa leboko o o fa godimo? Goreng o re jalo? [2]
- (b) Supa gore mmoki o bona tihabo ya letsatsi jang mo meleng e e robedi ya ntlha. [4]
- (c) Mo meleng e le merataro ya bofelo, mmoki o bona tihabo ya letsatsi ka leitlho le lengwe. A reng? Tihalosa ka botlao. [4]

**[Maduo otlhe: 10]**

**BLANK PAGE**

---

Permission to reproduce items where third-party owned material protected by copyright is included has been sought and cleared where possible. Every reasonable effort has been made by the publisher (UCLES) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.

To avoid the issue of disclosure of answer-related information to candidates, all copyright acknowledgements are reproduced online in the Cambridge International Examinations Copyright Acknowledgements Booklet. This is produced for each series of examinations and is freely available to download at [www.cie.org.uk](http://www.cie.org.uk) after the live examination series.

Cambridge International Examinations is part of the Cambridge Assessment Group. Cambridge Assessment is the brand name of University of Cambridge Local Examinations Syndicate (UCLES), which is itself a department of the University of Cambridge.